



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-6072-8/23

Datum: 06.11.2023. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. st. (1) tačka b) i (2) tačka d), a u vezi sa članom 70. st. (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), članom 34. Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine KS”, broj: 44/23) i preporuke Komisije za sukcesivnu nabavku usluga servisiranja motornih vozila za potrebe Uprave policije, imenovane Rješenjem broj: 02/5-1-30-1-5198 od 10.07.2023. godine, u postupku javne nabavke usluga servisiranja motornih vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

O PONIŠTENJU POSTUPKA JAVNE NABAVKE USLUGA SERVISIRANJA MOTORNIH VOZILA – LOT 3

I

Poništava se postupak javne nabavke usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo, i to:

1. iz razloga što nijedna od primljenih ponuda nije prihvatljiva:
 - LOT 3 – Servisiranje motornih vozila marke Peugeot.

II

Ova odluka stupa na snagu danom donošenja, objavit će se na web stranici www.mup.ks.gov.ba i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-6072/23 od 25.08.2023. godine i Obavještenja o nabavci broj: 16475-1-1-98-3-117/23 od 28.08.2023. godine, proveden je otvoreni postupak javne nabavke usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo, uz primjenu e-aukcije, s namjerom zaključivanja okvirnog sporazuma na period od 24 mjeseca.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-6072/23 od 16.10.2023. godine.

Prema Zapisniku sa otvaranja ponuda broj: 02-11-4-6072/23 od 16.10.2023. godine za aktivno učešće u postupku dostavljena je ponuda ponuđača za:

- LOT 3 – AC BLOK d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljene ponude, te sačinila Zapisnik o pregledu i ocjeni ponuda broj: 02-11-4-6072-6/23 od 24.10.2023. godine, kojim je utvrdila sljedeće:

- da za LOT 3 je pristigla ponuda ponuđača AC BLOK d.o.o. Sarajevo. Ponuda je nepotpuna i ne

ispunjava uslove tražene tenderskom dokumentacijom. Naime, ponuda za LOT 3 ne ispunjava uslove iz tačke 13.3. tehnička i profesionalna sposobnost u postupku nabavke usluga (član 50. Zakona) - tenderske dokumentacije. Tačkom 13.3. u svrhu dokazivanja tehničke i profesionalne sposobnosti ponuđača, ponuđači trebaju ispunjavati sljedeće minimalne uslove:

„Uspješna realizacija najmanje jednog ugovora, iz oblasti predmetne nabavke, u toku posljednje 3 (tri) godine do dana dostavljanja ponude, ili od datuma registracije privrednog subjekta, ukoliko je registrovan poslije navedenog perioda, u visini minimalno 20% procijenjene vrijednosti lota za koji se ponuđač prijavljuje“

Što dokazuju „Spiskom izvršenih ugovora o uspješno izvršenim uslugama (uspješno realizovanom/im ugovoru/ima), iz oblasti predmetne nabavke, odnosno ugovora koji su u vezi sa predmetnom nabavkom, u toku posljednje 3 (tri) godine do dana dostavljanja ponude, ili od datuma registracije privrednog subjekta, ukoliko je registrovan poslije navedenog perioda, u visini minimalno 20% od procijenjene vrijednosti lota za koji se ponuđač prijavljuje.

Uz spisak izvršenih ugovora ponuđač je dužan dostaviti minimalno jednu potvrdu koja je u vezi sa spiskom izvršenih ugovora, koju je izdala druga ugovorna strana, čija je minimalna vrijednost jednaka iznosu od 20% procijenjene vrijednosti lota za koji se ponuđač prijavljuje.“

Ponuđač AC BLOK d.o.o. Sarajevo na strani 33. u svojoj ponudi je dostavio potvrdu o urednoj realizaciji ugovora koja nije u vezi sa dostavljenim spiskom ugovora. Potvrda koja je dostavljena na strani 33. ponude, izdata je od ugovorne strane Euroherc osiguranje d.d. Sarajevo, ali je na strani 34. svoje ponude dostavio referenc listu (spisak ugovora) za 2020. godinu, 2021. godinu i 2022. godinu na kojoj nije naveden ugovor sa Euroherc osiguranjem d.d. Sarajevo kao ugovornom stranom.

U skladu sa naprijed navedenim, ponuda ponuđača AC BLOK d.o.o. Sarajevo za Lot 3 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

Komisija je sačinila konačan tekst Zapisnik o pregledu i ocjeni ponuda broj: 02-11-4-6072-7/23 od 02.11.2023. godine sa preporukom o donošenju odluke o poništenju postupka za Lot 3.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka d) Zakona o javnim nabavkama (“Službeni glasnik BiH”, broj 39/14 i 59/22), riješeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

POLICIJSKI KOMESAR
Generalni inspektor policije

Fatmir Hajdarević

Dostaviti:

1. Sektoru za materijalno-finansijske poslove
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a